



此卷多 李丈子蹟歲在開逢攝格提詎 李丈
之歿十七年矣七月庚子以婦李氏婢李氏子孫
世守尚甘珪法 朗谷周震甲謹識





校刻齊乘序

予思容氏齊乘凡六卷曰沿革曰郡邑
曰古蹟曰亭館曰土俗曰人物繫在齊
者蓋略備矣青州故齊都也二百年來
顧將去志歲在甲子蒐羅圖籍期勒成
編而乘出敵麓中郡志之作大都存此
系竊思唐世柳史懷子兵燹劉照繼修
遂成一代之典歐宗更之孫補新史而



助史遂廢。論者謂新舊二史互有以失
照史也。其事詞稍備。歐宗尚潔。刻削甚
矣。至於驪山。亦相問答。高備中真神采
竭矣。丹如較之。歐宗以或勝之。而乃并
此廢之。是可惜也。況里容氏採輯。參究
上下。數子。好年。雜合同異。各有其意。其
尤得者。點齋。如退少。翁表。轉鄒。辨王
賁。贊師。範。眾。陳。賓。訂。九。河。之。未。沒。造。

遠系沈。謂佛說之。系。獨宗。如。氏。雖其
終。如。和。陽。去。取。稍。深。營。止。緣。陳。孝。合。是
也。然。余。嘗。謂。其。志。以。如。此。景。德。造。人。物
也。此。請。管。之。近。世。之。已。出。也。余。固。不。忍。以
世。之。廢。也。者。廢。系。也。
嘉靖甲子仲冬長至
賜進士第中憲大夫青州府知府四
明杜思子睿撰

元于公志序多有越之者謂欽曰同君行齊志僕
一曰反其安即其人亦義者夫亦今世而多也請載
之以廟末俗免而吳及國趙岐侯始惟不為
石也安石名高

乾隆辛丑七月一日
李

齊乘序

齊乘六卷故兵部侍郎于公志齊之山
川風土郡邑城郭亭館丘壠人物而作
也古者郡各有志中土多兵難書弗克
存我國家大德初始從集賢待制趙
忭之請作大一統志蓋欲盡述天下都
邑之盛書成藏之秘府世莫得而見焉
于公生於齊官於齊考訂古今質以見

間歲久始克成編辭約而事核公在中朝為御史憲臺都事左司員外郎終益都田賦總管以文雅擅名當時既卒其家蕭然獨遺是書于其子潛余官維揚始得閱之嗚呼齊地之彊民物之夥自古然也桓公任管仲以成霸業聖人嘗稱其功謂一變能至於魯後世去古雖遠山川郡邑猶存草其俗以化其民

獨不在夫上之人乎當漢之始兵戈甫定曹參為齊相師禮蓋公以清靜化民齊乃大治茲非其效與今齊為山東重鎮所統郡縣五十有九宦游於齊者獲是書觀之寧無益乎予於公之言重有感焉謂三代兩漢人材本乎學校之教養謂風俗自漢晉以降愈變而愈下美昔人之賑饑有道歎近世之採金病

民以稷下學術流於異端以海上求仙
惑於神異斯亦足以慨公之志矣知公
諱欽字思容益都人潛擢南行臺掾云
至元五年己卯冬十月丙戌朔嘉議大
夫江北淮東道肅政廉訪使蘇天爵序

齊乘目錄

沿革

分野

山川

山

水

郡邑

古蹟

城郭

亭館

風土
人物

五壠

目錄終

齊乘卷之一

沿革

前兵部侍郎郡人于欽思容纂修

後學四明薛晨于願訂正



帝嚳九州之制青州初履海岱禹貢九州曰海岱惟青州謂東北跨海西南距岱少陽之方其色為青故以名也舜肇十二州以青越海析遼東為營商制九有以青為徐周官職方以

徐為青其東北為幽州齊則囊括青
州襟帶徐兗幽營非所兼也古之國
于此者少昊之世有爽鳩氏虞夏有
季荝商有逢公柏陵薄姑氏皆為諸
侯周武王克商封太公呂尚于齊未
得薄姑之地成王時薄姑與四國作
亂成王滅之益封太公遂有全齊漢
志曰齊所以為齊以天齊也益臨淄

有天齊淵以此建國命名耶管仲曰
昔召康公命我先君太公曰五侯九
伯汝實征之夾輔周室賜我先君
履東至于海西至于河南至于穆陵
北至于無棣穆陵即大峴山或為
陵關不也或又泰山南龜山北之穆陵
二境置此應如是以為防遠元隋志云齊廢
然則南北此朝文關塞耳以為古齊履
乎可蘇秦曰齊南有泰山東有瑯琊西

有清河河北有渤海四塞之國地方二
千里此其疆域也太公後二十九世
疆臣田和篡齊自立五世為秦所滅
始皇郡縣天下始置齊郡又析置琅
邪沂秦二齊分為三齊王田都據臨
淄濟北王安據博陽膠東王市據卽
墨故號三齊劉貢父云益都為天齊
是齊非漢高初假韓信繼封子肥為齊

王有齊七十餘城後置青州刺史部
領齊郡北海千乘濟南平原東萊膠
東高密臨淄郡國凡九而不常所理
琅邪東海則為徐州之郡遼東邊郡
嘗來屬焉光武十三年以遼東屬青
三國時齊為魏有晉置青州刺史領
齊國濟南樂安城陽東萊五郡而理
臨淄琅邪東莞亦為徐郡永嘉之亂

青及徐州之半陷于劉曜石勒厥後慕容燕苻秦迭據其地秦敗苻朗以青州降晉改置幽州以辟閭澤為刺鎮廣固隆安四年為慕容德所陷德稱南燕定都廣固二世為劉裕所滅西濟東海復為晉土而祚移于劉氏矣劉宋置青冀二州青理臨淄冀理歷城至明帝時二州及琅邪之地

並沒于元魏魏置青濟膠光北徐州宇文周置齊郡縣樂安北海郡隋開皇初郡廢復為州大業初州廢復為北海高密齊郡琅邪東萊五郡唐武德初郡廢為青齊淄維牟密登萊沂等州青齊置二總管府後罷總管為都督府貞觀初罷都督天寶初復為北海高密濟南淄川東牟東萊琅邪

郡屬河南道青州又升平盧節度石
晉青州仍為平盧節度齊密二州則
為防禦宋置青密齊沂登萊濰淄八
州屬京東東路升青州為鎮海軍密
州安化軍齊州興德軍元祐三年安
化改臨海軍政和元年鎮海軍復為
齊郡六年以齊州為英宗賜履之地
升為濟南府建炎元年京東路青州

為帥府濟南為要郡登萊沂密為次
要郡從李綱所請京輔之外建十六
謂非命世雄木不能復取去于寶所
綱策雖善堂高宗不能辦哉金人初入
中原詭立宋濟南知府劉豫為齊帝
兼八州之地八年廢之置益都濟南
二府立山東東路統軍司于益都轄
十三州焉濰、淄、密、莒、寧海、登、萊、沂、海、濱、棣、清、滄、
初以濟南益都立二帥府益都仍行

省事後並廢置益都濟南般陽三路
總管府割德州寧海為隸省之州四
分齊境立宣慰司于益都以鎮之廉
訪司于濟南以按治之屬山東東西
道皆古全齊之地也其詳則各隨郡
縣以載焉其舊屬齊邑今割入他郡
者亦別附見云

分野

地志曰虛危為齊分星曰玄枵宮曰
寶鉞時曰子州曰青魏陳韋分郡國
所入宿度齊國入虛六度北海入虛
九度濟南入危一度樂安入危四度
東萊入危九度平原入危十一度淄
川入危十四度魯分徐州屬齊者東
海入奎一度琅邪入奎六度高密入

婁一度城陽入婁九度膠東入胃一
度又唐一行山河兩界圖曰河為北
河江為南河自北河下流南距岱山
為三齊自南河下流北距岱山為鄒
魯皆負海之國貨殖之所阜也觀兩
河之象與雲漢之所終始而分野可
知矣春秋運斗樞曰虛危之精流為
青州分為齊國立為萊山其川淮泗

其浸沂沐音述又其利蒲魚克之浸
曰盧維幽之浸曰菑音述又其利蒲魚克之浸

山川

禹貢青州曰
嶠夷既略
濰淄其道
徐

州曰淮沂其
入蒙羽其
藝澤陽孤
桐

皆今齊境山
川也取法于
經則沂山

見周禮為青
州之鎮故冠
諸山濰淄

二水青之大
川故為衆水
之長次則

經傳圖志所
載與夫古志
或遺而高

大可稱者皆
在所書其餘
則略祠宇

古迹之類因山川而互見者不復重出云

益都山

沂山○臨朐縣南百里周禮職方氏青州其山鎮曰沂山註曰沂水所出乃取名也漢志朱虛縣東泰山汶水所出鄆道元水經曰大弁山與東泰山連麓沫水出焉以二水證之即公玉

帶

公玉帶濟南人公玉姓帶名請漢

武所封之東東泰山也然漢志謂卑

小不稱其聲者蓋沂山遠望之則高

塵羣山緣坡麓昂仰八九十里以漸

而升遠至其顛則失其峻極取又左

思齊都賦云神嶽造天惟此山可以

當之疑亦因東泰山而得嶽名山頂

有二冢相傳周穆王葬宮嬪於此故

峴閼因號穆陵云按周初封太公已
有南至穆陵之履豈曰穆妃而得
名乎蓋二冢不知誰氏之葬反因
穆陵而附會也山半有東鎮東安
王廟石刻神像俗傳趙太祖徵時
閱韓通于此棄衣而石翁媪收之
神像猶作臂衣之形故又云翁婆
廟本即沂山之神歷代封祀有典
碑志具存而俚俗

誕妄如此不經甚矣

大峴山○即穆陵閼也沂山東南曰大

弁山○大弁今人訛作大屏字相類而

誤唐沈亞之沂水雜記又訛作太平

山○因頂平八九十里故云當從水經

作大弁者是大弁東南即大峴也其

山峻狹僅容一軌故為齊南天險劉

裕伐南燕兵過大峴指天而喜曰虜

已入吾掌中即此山也山北數里有
裕祭天五壇

仰天山○臨胸南七十里有黑龍洞縣

邑禱雨輒應宋碑云元符三年救額

靈澤廟崇寧五年封濟侯

逢山○臨胸西十里按路史逢伯陵姜

姓炎帝後太姜所出始封于逢在開

封逢澤後改封于齊猶稱逢公山因

名焉有逢公祠漢志云祠逢山石社

石鼓於臨胸山舊有石鼓或擊而有

聲則齊亂今不存矣其山四面斗絕

惟一徑可登且有泉金末避兵于此

者多獲免

靈山○臨胸東北廿里晏子春秋云齊

大旱景公曰卜崇在高山廣澤寡人

欲祀靈山可乎晏子曰靈山以石為

身草木為毛髮天久不雨髮將焦枯
身將焚獨不欲雨乎祀之何益蓋此
山也

九

山○臨胸東北三十里大紀云軒轅踐

位○天下有不道者從而征之凡五十

三征○而奄有中區東至于海登九山十

及岱宗○西至崆峒登雞頭南至于江

登熊湘○北逐葷粥合符釜山竹書云

堯放丹朱于丹水朱虛縣有丹山一

名丸山○黃帝所禪又名堯山下帶長

阪曰破車峴東西二丹水出焉此山

西接靈山○東連方山○遙見宮崇近則

卑小○豈上古之時為瀕海之山○後漸

去海遠耳○俗名几山○蓋丸字訛也○

雲門山○府城南五里上方號大雲頂

有通穴如門○可容百餘人○遠望如縣

鏡泉極甘冽。崖壁上銜蚌殼結石相傳。海田所變如沈存中筆談載太行山崖螺蚌石子橫亘如帶之類。齊地尤多。又有碎石子或間瓦礫凝結作石。殆不可曉。蓋蚌石雜沙土凝者水所漬也。石子自凝成石者氣所化也。豈天地之終萬物皆碎為塵。及其開闢漸復凝聚。元氣查滓中融化未盡。

者猶有其質邪。以理逆之無足怪者。雲門之東曰劈山。山峯分裂如劈。古名劈頭山。山西則駝山。三山聯翠障城。如畫。宋熙寧間知青州盧士宗山路記云。營丘東秦舊腴。周環衆山。雲門為之冠。然此山實不開于天。不其磨崖題刻有宋慶歷八年富文忠公題名。七人。熙寧二年歐陽文忠公六人。四

年趙清獻公十二人吳文肅公奎十
一人政和五年安撫使梁子美十七
人金泰和間亦有益都尹夾谷璋
十一人然則雲門絕景前賢題品尚
矣圖經散逸之後乃不得與龍山虎
角雄天下為可惜也故特表而出
之

堯山○三齊略云在廣固城西十里堯

巡狩所登遂以為名山頂有祠祠邊
有栢樹枯而復生不知年代此山正
臨廣固廢城才二三里去今府城乃
十里耳唐開元三年青州刺史王昕
碑亦云堯山者齊記謂堯巡狩所登
大歷八年平盧淄青節度使李正己
碑云魏神龜三年青州牧臣沐載建
祠及李乾暉碑陰疏棟字甚盛今皆

龍女泉即今棘林西
俗呼龍塘子者邨人
開渠種荷極可遊玩

發其南堯山水逕其東即嶺山也元和
志作箕山紀侯冢在山陰宋書云焦恭
祭冢得玉磬晉金見巨洋水條下山
西南十里有龍女泉辛酉夏旱欽禱
此泉投文水中即日雨霽足明年復
禱亦如之嘗率村氓欲碑其事此諾
而不集因附此以垂不朽云
牛山○臨淄南十里孟子曰牛山之木

嘗美矣齊景公登牛山北顧其國而
流涕為晏子所笑即此山也又白淵
之齊道記曰黃丘北十里有鸞鷲峴
下帶長澗東北流經牛山去此水八
十餘里號曰牛頭水是齊景公所登
而歎處蓋言為山濁水耳
獨山○臨淄南十五里齊風曰子之還
兮遭我乎獨之間兮即此山也漢書

作嶮亦作嶮與通

稷山○臨淄西南十三里隋志曰臨淄

有稷山齊記補曰山舊有右稷祠故

名又齊宣王嘗立孔子廟亦名孔父

山也

愚山○臨淄西二十里桑欽云山東有

愚公冢山北有愚公谷按韓非子云

桓公逐鹿入谷問一老父此何名愚

公○谷對曰臣畜犢中生犢賣之而買

駒○少年謂牛不能生駒遂持駒却傍

鄰聞之以臣為愚故名愚公○後人

因為立廟宋元豐間禱澍有感封隱

利侯南曰杜山與愚山連○水經云

時水屈而西南有杜山高士傳齊宣

王獵于杜山問丘先生長老十三人

相與勞王賜父老不袒父老皆謝

先生獨不拜復賜無徭從又不拜曰
望得壽富貴于王曰死生有命非
寡人也倉廩備災無以富先生大官
無闕無以貴先生聞之曰非也選良
吏平法度臣得壽矣賤之臣以時
富令火敬長臣得貴矣山有白龍灣
神祠宋政和賜額顯貺
商山○臨淄西三十里今隸高苑齊記

補○南燕建平三年立治速今鼓鑄
不絕崔瑗述征賦云涉淄水過相都
登鐵山望齊密即此山也寰宇記以
為密州之鐵山者非是
孤山○濰州西四十里有穴曰龍洞禱
焉雲出即雨宋封山神曰廣靈侯又
以孟子言伯夷避紂居此北海之濱
因立廟封伯夷清惠侯叔齊仁惠侯

崇寧大觀碑刻存焉

國朝至元十八年加封山神曰孚澤廣

靈侯伯夷昭義清惠公救齊宗讓仁

惠公路史伯夷名允字公信救齊名

然山東曰麓臺俗傳公孫弘讀書處

元和志以為弘墓

陸山○昌邑縣南四十里濰水東岸漢

封霍光為博陸侯食邑北海河東師

古曰益鄉聚之咎非縣也此博陸聚

之山取故名陸山天寶六年敕改霍

侯山○南有岵山又南峽山皆瀕濰水

浮來山○莒州西三十里春秋公及莒

人盟于浮來即此也俗訛作浮丘山

山半有莒子陵又東南馬鬣山又東

屋漏山○浮來之北則洛山黃華水發

源于此合浮來眾水瀦為莒之西湖

湖西復有定林山山有定林寺亦名刹也

焦原山○莒州南四十里記云莒有焦

原臨百仞之溪人莫敢迎莒勇士登

焉莊子伯昏瞀人射臨百仞之淵仰

此漢志謂之崢嶸谷俗曰青泥街兩

峽峻立如街故云

雹山○沂水縣西北三十里寰宇記山

出紫石英好者映徹如電故名亦作

咆山○今日咆突即又東北螳螂山與

大小二魯山相連有穴如門直入二

十里真仙境也縣西四十里有磨石峴

長二十餘里極險峻峴下即堂阜鮑

叔解管仲因處俗訛作憚阜

高栢山○沂水東北百里漢志靈門有

高栢山○沂水所出東入濰又名巨平

望仙橋在西南

望

山俗曰臺頭山

望仙山

沂水西南百

里縣中有望

仙

橋以為王喬

飛鳥之地

未詳按列仙

傳子歌

王喬

同姓名者有

三人

吹笙

王喬

在葉縣

食

肉芝

在周

飛鳥

平王

在

葉縣

食

齊地

琅邪

者無之

俗附會

耳

在

葉縣

食

蒙

陰山

○蒙陰縣

南八里

今名

仙洞

山

○

○

琅邪

承宮

避亂

此山

立性

好仁

不與

○

物競

人有認

其禾

者舍之

而去

○

○

○

龜蒙

二山

○魯頌閼宮

曰奄

有龜蒙

遂

○

○

○

荒大

東傳曰

龜蒙魯國

二山

也

龜山

○

○

近魯

在今費

縣西北

七十

里

後人指

○

○

為蒙

山者

山頂宛

如龜形

名不虛

得

○

○

夫子

龜山操

曰余欲

望魯

今龜山

蔽

○

○

之韓

退之擬

曰龜之

大兮

祗以

奄魯

○

○

則龜

為魯之

大山

明矣

蒙山

者在

龜

○

山東

二山

連屬

長八

十里

禹貢

之蒙

○

山

三

陽

羽論語之東蒙此正蒙山也邢昺曰
先王封顓臾為附庸之國使主祭蒙
山蒙山在東故曰東蒙後人疑于東
蒙之說遂誤以龜山為蒙山蒙山為
東蒙而隱沒龜山之本名夫魯人頌
其本國之山川辭必審矣故今定蒙
山為龜山東蒙為蒙山以復古焉帝
世紀吳自窮桑都曲阜註謂窮桑在
在東蒙山屬魯地然未知果是也

龜山下有古顓臾城山前玉虛宮唐
仙人賈神翁所建有英烈昭濟惠民
王祠即顓臾也山西南十餘里有漏
澤澤有五穴春夏積水秋冬漏竭將
漏之時先有聲居人扈穴取魚隨種
麥比水至麥已收矣費縣縣有唐大
潛漏澤賦並序石刻宋至和間書出
泥中今斷裂為二刻在醉翁亭記傍
醉翁碑者歐公同時人蘇唐御為費
縣宰策記文刻石立于此并刻歐公

往復手蒙山前陽口村有玉皇廟相
 傳老萊子故宅也陽口亦山名後魏
 費縣理此高士傳老萊子隱蒙山著
 書十五篇言道家用楚王嘗至其
 門其妻挾薪而至怪車馬跡之如曰
 可食以酒肉者可加以鞭撻可受以
 官祿者可隨以銖鉞先生受人官祿
 為人所制妾不能為人所制也夫婦

羽

遂相與逃去路史又云老萊子即老
 也孔子至楚見老萊子時已二
 歲班衣戲母側所問答皆禮事知非
 二人是未戲母側所問答皆禮事知非
 知是否
 山○地記舊在胸山縣西北九十里
 今屬沂州東南百二十里
 也前有羽潭一名羽池左傳鯀化為
 黃龍入于羽淵即此淵傍生細柳野
 獸不敢踐郡國志又云鍾離昧城南

三
 章松

有羽泉亦極處其水恒清牛羊不飲
艾山○左傳隱六年公會齊侯盟于艾
杜註泰山牟縣東南有艾山在今沂
州城西三十里與大小鳳凰山相迎
官溝水自小沂分流經艾山山西注山
前靈鎮侯廟山東漢厚丘縣古城城
西有醜神廟詳見祠宇

君山○一名抱犢山嶧州北地六十里

述征記曰承縣君山有抱犢固壁立
千仞去海三百里天氣澄明宛然在
印山上有池深絕數尺水旱不增減
平田數頃昔有隱者王老抱一犢于
上耕種後遇異人仙去故名焉漢曰
樓山魏號仙臺其高九里周四十五
里然今澤州城北三里別有仙壇山
亦奇有豈即仙臺而誤為君山所掩

三五
東松

邪

魯卿山○澤州東北七十里國語季文

子相宣成二居妾不衣帛馬不食粟

魯人思其遺惠為之立廟亦名季山

俗作神峯山

夾山○澤州北七十里通典東海懷仁

縣有夾山春秋之夾谷也左傳定十

年公會齊侯于祝其賁夾谷孔子相

漢有祝其縣

禹貢別州以山川定經界秦漢以降

建置雖不常亦不敢失山川之限焉

按抱犢魯卿諸山古圖經皆屬嶧州

今則並屬沂州訪之耆舊云李壇據

齊以其姻親胡某者知沂州實張威

福嶧州畏其逼盡割州東二十里外

境與之遠今不改嗚呼壇賊據彈丸

之地為政不平如此固不足責職方
氏因之豈暇不知邪

尼丘山 ○滕州鄒縣東北六十里有坤

靈淵宣聖廟其東顏母山水經謂之

防山防墓崩即此有顏母廟南有昌

平山夫子所生之鄉又南馬鞍山有

孟母墓又南唐口山有孟子墓

鳧山 ○鄒縣西南五十里闕宮曰保有

鳧嶧 荒徐宅傳曰鳧嶧二山名也

古有伏羲廟今云有伏羲墓按左傳

顓臾風姓伏羲之後實司太昊之祀

鄒魯有廟是也伏羲都陳有墓非也

今訛作爺娘山

嶧山 ○鄒縣東南二十里京相璠曰嶧

山在鄒縣繹邑之所依山東西二十

里高秀獨出積石相臨殆無土壤石

音

間孔穴洞達相通有如數間屋者俗謂之嶧孔避亂入嶧外寇雖衆無所施害永嘉之亂太尉郗鑒將鄉曲千餘家逃此今山南有大嶧名郗公嶧亦有古城遺跡史記始皇二十八年東行郡縣上鄒嶧山刻石頌德三代地理書曰始皇乘羊車登嶧山刻石處名曰書門

桃山

○勝州南五十里御覽云即華采山也又名義珠山山上有井不可窺窺者不盈歲輒死有烏巢井上金喙黑包見則大和今訛作陶山謂有陶朱墓西徵山謂有徵子墓皆謬惟奚公山奚仲造車處上山執轅猶存見地記云

牟婁山○密州安丘南二十里路史云

古有巢氏治石樓山即牟婁也本年
夷國密之諸城有婁鄉隋因置牟山
縣今訛作朦朧按字書云牟婁微視
也義或緣此

常山○密州南二十里東坡雲泉記曰
禱雨未嘗不應蓋有常德者故謂之
常山廟西南十餘步有泉古者謂吁
嗟而求雨曰雲名之曰雲泉宣和間

封山神靈濟昭應王

盧山○密州東南四十五里東坡詩註

盧敖秦博士避難此山遂得道有盧

敖泖飲酒臺聖燈巖障日峯三泉

馬耳山○密州西南六十里東坡詩註

掃北臺看馬耳未隨埋設有雙尖此

謂超然臺也

九仙山○密州東南百二十里坡云九仙

在東武奇秀不減鴈蕩所謂九仙今
已歷京東是也漢琅邪郡有太一仙
人祠九所豈以此得

琅邪山○密州東南百五十里齊景公

放于琅邪即此吳越春秋越王句踐
徙琅邪立觀臺以望東海秦始皇廿
八年南登琅邪大樂之留三月徙黔
首三萬戶于臺下立石頌德御覽云

碑有六百字可讀臺側有四時祠臺
上有神泉人或汚之即竭漢於此置
琅邪縣武帝亦嘗登焉隋開皇十六
年于此置豐泉縣大業初復為琅邪
唐省之今山下井邑遺跡猶存登山
石道如故土人名曰御路
大山○膠州西南有二十里岸海名
山也通典高密諸城縣有古齊長城

李福

自大朱山起蓋古齊長城起自齊西防
門東逾泰山穆陵至大朱山海濱而
絕非起自大朱也大朱山有石室晉
永嘉中陳仲舉隱此得道仙去旁有
小朱山錯水所出又東徐山方士徐
福將童男女二千人會此入海采藥
不返又東白貌山風水所出錯水俱東
海入

顧亭林日知錄

曰寰宇記秦始皇

登勞盛山後人因謂

此山一名勞盛山誤也

勞盛乃二山名勞即

勞山盛即成山史記

封禪書七曰日之祠成

山成山斗下海洋書

作盛山古字通用

齊之東偏環以大海

海岸之山莫大於勞

成二山故始皇登之史

大

小二勞山○即墨東南六十里岸海
名山也又名勞盛山四極明科云軒
皇一登勞盛山是也齊記云泰山自
高不知東海勞吳王夫差登之得靈
寶度人經神仙傳樂子長遇仙人授
以巨勝赤散方曰蛇服此藥化為龍
人服此藥老成童子長服之年百八
十歲顏如火如登勞山仙劫山高

記秦始皇紀自琅邪
北至榮成山正表曰
榮成山即榮山也
史書及前代地理書
並無榮成山字高特其
其在琅邪之下成山之必勞
之誤後見王充論衡引
此山作勞山山乃知昔人
傳寫之誤方時諸君未
之詳考遂使勞山併盛
之名成山冒榮之號耳

顧寧人曰勞山之名齊書
乃登之者此方又云一作牢邱
長春又改有蓋皆鄙淺可
笑按南史明僧紹隱于長廣
郡之勞山本草天麻生太山勞
山諸山則字亦作勞若魏書
世祖志亦書蓋極傳宋史甄
傳並作牢乃付寫之誤不

五里周八十里北大勞山也與小
勞山華樓山疑即鼎足相聯大勞山
有上清宮五代末華蓋仙人識趙太
祖于側微宋人為建此宮近世有劉
使臣都棄金符遊此山其徒建碧落宮
山即墨東南八十里上有小池深
不盈尺水旱不增減池傍有石人并
石馬蹄跡寰宇記云秦始皇至牢盛

山望蓬萊立馬北山遣石人驅牢山
不動因立于北石人今海濱山上往
有之則蓋勞山之驅之高不其登陟之難
期山即墨東南四十里又名訓虎
山後漢童恢為不期令有虎食人恢
檻獲二虎訓之曰王法殺人者死虎
敢食人一虎垂頭服罪一虎吼躍不
服服者殺之躍者縱殺三齊記云鄭

玄教授此山草生如齧長尺餘堅韌
異常號康成書帶余按勞山不期皆
康成講學之地文澤涵濡草木為之
秀異千載之下第茅塞焉深可歎已
天井山○即墨東十餘里上有一井極
如因號天井北二十餘里平地三穴
湯泉出焉若有風從西北來則湯極
熱不可入

女

姑山○即墨西南三十里山北舊有
基漢志不期太一仙人祠九所及明
堂武帝所起不期城西有七神號
曰女姑即此又東有中祠山亦九祠
之一○又天室山亦祠所並見寰宇記
田橫島○即墨東北百里橫象五百人
死此四面環海去岸二十五里可居千
餘處蓋有竹島塔沙福島穀積車牛

皆海中島也然登州蓬萊閣西復有
田橫島在岸不在水非是

寧海山

大崑崙山○州東南四十里○崑崙岸海
名山也○秀拔為羣山之魁○仙經云○姑
餘山○麻姑于此修道○上昇○餘趾猶存○
因名○姑餘後世以姑餘崑崙聲相類○
而訛為崑崙○崑崙然今東夷人止名崑崙

又有小崑崙與之相連○宋政和六年
封仙姑虛妙真人○重和元年賜號顯
異觀元遺山續夷堅志○崑崙山石落
村劉氏嘗于海濱得百丈巨魚取骨
為梁構屋曰鯉堂堂前一槐蔭蔽數
畝○忽夢女魁自稱麻姑乞此樹修廟
劉滂許之○後數日風雷大作昏晦如
夜○失槐所在相與求之麻姑廟中樹

已臥廟前矣山有東牟侯神祠又金
大定間開西王祖師訪山前大姓于
氏曰我前生修煉此山山有烟霞洞
盍往登焉于氏以為我世居此未聞
有洞相與登山求之果見洞口有烟
霞字跡大為神異建祠紀石焉
盧山○州東二十里與大峴山東牟山
相連北至海百里有望海臺峴山

有東牟侯祠又東繫馬山始皇于此
繫馬草生猶作繫結之狀俗云繫馬
砮州西南六十里西敬山兩峯敬側
相倚並見寰宇記
文登山○文登縣東二百里寰宇記始
皇東巡召集文人登此山論功頌德
故名又東有鶴鷗山常有鶴鷗栖其上
斥山○文登東南六十里爾雅云東北

之美有斥山之文皮焉蓋以海濱廣
斥得名高門之族居此有千餘家東
齊于氏皆斥山望也欽之曾大父端
叔府君自斥山徙昌陽大父君瑞府
君其仲子也又自昌陽徙益都先考
禮部公嘗命欽攷斥山于氏所出欽
對曰按氏族略于氏本周武王子邴
叔所封之國在河內邴城子孫以國

為氏去邑為于後魏時有自東海隨
招拔徙代改為萬紐于孝文復為于
氏又有淳于姜姓之後唐避憲宗嫌
名亦為于氏此鄭氏之說也然史記
文王伐邾在野王西北書大傳正作于于
蓋古諸侯之國非始于邾叔也又夏
相時于夷來賓子欲居九夷于夷其
一也或即竭夷之轉或于國之裔有

奔海濱而居長東夷者何其族之蕃
而世之衍也斥山之刊祖此為的先

君領也

之界山○州西北五十里海濱史記秦

始皇廿九年登之界刊石紀功三十

七年又自琅邪使徐福采藥福言苦

大魚為患於是連舟下海登之界射

巨魚郊祀志齊有八祠之界為陽主

山○有陽主廟武帝太始三年幸琅邪

禮日成山登之界稱萬歲子虛賦又

云射乎之界其山入海中○有墨石相

傳武帝造橋兩石刻猶存山高九里

周五十里西南至福山縣長三十餘

里

召石山○文登之東三齊略云始皇造
石橋渡海觀日出處有神人召石下

城陽一十山岌岌相隨而行石云不
馱神人鞭之見血今召石山石色皆
赤伏琛齊記曰始皇造橋觀曰海神
爲之驅石豎柱始皇感其惠求與相
見神曰我醜莫圖我形當與帝會始
皇從橋入海四十里與神相見左右
有巧者潛以足畫神形神怒曰帝負
約可速去始皇轉馬前脚終立後脚

始皇乃首廟耶

成

隨崩僅得登岸今驗成山東入海道
水中有堅石往往相望似橋柱之狀
又有柱石一作出作波環云始皇渡
海立此海石標之以爲記山下有海神
廟望海臺始皇廟
○文登東北百五十里古不夜城
側漢志亦作盛山主祠曰盛山斗入
海最居齊東北陽以迎日出武帝太

始三年幸東海作朱鴈之歌禮曰此
山還而下邱鯨寡今按召石與成山
相迎因始皇會海神故後世遂呼成
山曰神山山斗入海旁多椒島海艘
經此失風多覆海道極險處也
鐵官山○文登西百四十里去年平城
百里漢置鐵官冶鑄遺跡尚存
五壘山○文登南五十里南北成行入

海如壘又南石門山兩石聳立如門
今按文登正南有鐵查山東連斥甚
甚奇秀圖經弗載豈古與斥山為一
或卽五壘石門之異稱與
白鹿山○文登北四十里唐神龍三年
刺史畢元愷于此獲白鹿進之故
又東北海邊有鷄鳴島北海中有海
牛島郡國志云海牛無角長丈餘紫

色足似龜尾若鮎魚性捷疾見人則
飛赴水皮堪弓韃脂可然燈與海驢
島相近海驢常以八九月上島產乳
其皮水不能潤可以禦雨並見寰宇
記海驢皮今有獲之者淺毛灰白作
鱸魚又有海狸亦上牛島產乳見
齊記

昌山○文登西南四十里有巨神龍龍

神昌水出北山因氏焉南合黑水北
約昌陽湯通名昌水西南過萊陽會
五龍水南入于海昌陽極清溫在文
登西南七里名如意湯圖記文登有
溫泉七所此為最

般陽山

九日山○登州東南七十里齊記云山
有九竅故名北二十里有龍山又北

羽山之梁水所出東北流合石門水
入海寰宇記亦謂此為延鯨山非
也東海既有羽山鯨廟矣此同名山圖
耳又有朱高密神隱丘歷堂等山圖
志弗載不可備述
沙門島附海市○登州北海中九十里上
置巡檢司海艘南來轉帆入渤海者
皆望此島以為表誌其相聯屬則有

鼉磯島牽牛島大竹島小竹島歷歷
海中蒼秀如畫海市現滅常在五島
之上海市之各始見江鄰幾雜誌東
坡詩序或謂類南海蜃樓蛟蜃噓氣
所成殆不然欽嘗至登州海上訪之
蓋海市常以春夏晴和之時果日初
飛東風微作雲脚齊敷于海島之上
海市必現現則山林城闕樓觀旌幟

山川
羶車、駝馬、衣冠、人物、凡世間所有象
類萬殊、或大或細、或變或現、
終日或際海、皆海滿其為靈怪赫奕、
豈臺樓可擬哉、蓋滄溟與元氣呼吸、
神龍變化、浩不可測、如佛經所謂龍
王能興種種雷電雲雨、居于本宮不
動不搖、山海幽深、容有此理、欽以中
秋後至海濱、天已微寒、知州事李述

之詩人也、亦相與禱于廣德王之祠、
越三日、忽報云、今晨風色雲氣、海市
當現、同登賓日樓、候之、初如大竹、
上橫一巨艘、長餘百尋、述之、指以示
余、余曰、此海舟耶、述之曰、諦觀之、何
故不動、須臾前後曳數旗、劍戟紛紛、
忽不見、惟有空舟、漸變如長廊而滅、
述之曰、風稍急而寒、不然、現未已也、

鳴呼神哉。然則史漢所稱三神山蓬萊、方丈、瀛洲，望之如雲，未能至者，殆此類耳。且秦漢入海方士，僅能往來于磯島之間，偶見此異，慕之為仙，亦不為過。非若今人航海遠泛黑水洋外，或飄蕩歲月而後返，果有蓬萊仙山，何不聞也。斯言足破千古之惑矣。

金山○亦名岨岨山○棲霞縣東北二十

里○以產金得名○即地記萊陽縣之黃銀坑也○隋開皇十八年○牟州刺史辛公義於此坑冶鑄得黃黃銀獻之○山寺有隋碑○洵金者所祖○然隋唐以來皆守土官采以充貢○為數不多○未見其害○今則編戶置官○歲定金額○有增無減○三時以汰○僅得分毫○名曰淘金寔則買金鑄紬戶漸逃亡官復侵剝大

約金戶一家之賦○當他戶三倍之券○
而戶不勝其苦矣○又指以金苗鑿地○
人家居住墳壠皆所不究○而民不勝○
擾矣○其害視嗟竈有加○夫弘羊之罪○
良史已書○辛公義作備此毒○可無誅○
和故論及之○土俗訛傳○隋開皇中○
岵山出黃金九屋○俗儒便紀之于石○
為可笑也○

艾

山○樓霞西北三十里○山前溫泉可

浴○按樓霞縣本以山得名○曰百瀨北

曲○方嶺唐山靈峯覆甌積金芝陽公

山○棊山磁山哈爐山哈爐在福不能

具述○大抵環縣皆山○取宋李常云○吾

州有重巖疊嶂不可名狀○信然○

萊

山○黃縣西南五十里○封禪書云○齊

八御萊山為月主○山有真主真君祠一

云萊陽山多仙聖所啓

蹲狗山○黃縣西南三十里^上有石如

狗蹲伏氏^石山極靈劉寵微時途經

此石犬吠^石後為太尉俗名狗兒山

蘆山○黃縣南四十里山下有真君宮

金縣尹陳公碑云蘆童^石晉時人九

歲居此山食茯苓升仙唐封冲禧真

君

三山○萊州北二十里漢志秦祠八神

四曰陰^石祠三山寰宇記云在掖縣

北海之南岸顏監謂即三神山者非

也漢志曰蓬萊方丈瀛洲此三神山

者其傳在渤海中則三神乃蓬萊方

丈瀛洲之總稱豈海岸之三山也詳

見海市論

浮游島○萊州北海中望若浮游然俗

訛曰芙蓉

福祿山○萊州西五里出温石可為器

又有金山、馬鞍、優游、雄山、土山、君山

皆縣境內

萬里沙○萊州北三十里夾萬歲水兩

岸沙長三百里路史云雲陽氏陽帝

處于沙掖有萬里沙祠秦皇漢武皆

禱于此又北十餘里臨海有蓋石方

圓五步上有窪樽古老相傳始皇鑿

此盛酒以祭百神

大基山○萊州東十里金明昌間劉國

樞記云大基山道士谷後魏鄭文公

得道之地流泉花竹地占高敞略無

纖塵郡之甲勝

七子山○萊陽縣東南九十里山有八

峯大峯居中餘若子然故曰七子

山

四十五

章松

五龍山○萊陽縣南二十里四水自西

北昌水自東北皆南流至山前五水

相合名曰五龍南入于海山因名焉

西有荆山○寰宇記作蕪山爾雅霍山

蕪者是也○

高麗山○萊陽西南九十里司馬懿征

遼東置戍于此以高麗為名俗訛作

差戩山

火山○萊陽北三十里山多赤石故以

火知已見上並見寰宇記又有倉山

林寺福阜三山○林寺福阜又有獅子

峯俗傳金人詩俚甚今不取○

大豁山○膠水縣西北二十里伏琛云

虞城東南有豁曰大豁山○北又

有小豁山

渣呀山○膠水北三十里寰宇記云川

形嶺岬故名北與蹲狗山相接天柱

大澤皆一帶山也

明堂山○膠水東北四十餘里齊記云

盧鄉城東三十里有明堂山與巨青

山連出烏頭天雄又云藥石水出此

合石瀆水北入于海

墨山○膠水東北六十里石色如墨故

名水出茲山亦名墨水

金泉山○膠水東南四十里記云出桔

梗防風

鳳喙山○招遠縣北三十里本名牛心

至元六年陳節齋按部過之以其俚

名故易知有詩石刻在縣治縣北五

里有湯泉泉出阜南極熱東流合

泉始可浴鳳喙山東有山中

俗曰虛空山又有齊山望兒亦皆

鄙俚自圖經散逸齊地山川例蒙俗
惡之稱惟密州境內一山一川名存
古雅蓋得坡仙手滌凡陋千載有光
信賢人之澤深遠矣
梓桐山般陽府城東十餘里後有石
壘園洞古光相傳鬼谷子隱居名鬼
谷洞與路鬼谷弟蘇秦張儀輩五
之有能矣秦下說之鬼谷則能分人
之地矣秦下說之鬼谷則能分人

亦有鄭康成廟金末燬于兵乙卯歲
淄川令張孚重修灑水燕談云處士
王樵隱此山詳見人物論梓桐東曰
吉磨山出磨石有石碌井
原山○府東南七十里地志云原山淄
水所出今名岳陽山淄出其陰汶出
其陽非止一水也山亦跨淄川益都
兩縣界云

甲山○府西南三十里水經註萌水出
般陽西南甲山東北入瀧水今訛作
夾谷山○謂是齊魯盟會之地非也當
從水經○
鬲山○府北十里三齊略云鄭玄刊註
詩書接遲此山上有古井獨有細草
葉似薤俗謂鄭公書帶即今鬲堂嶺
與長白山相連元遺山濟南行記謂

因范文正公學舍在焉故謂之鬲堂
蓋未見古圖經取
長白山○長山縣南三十里太平御覽
○長白山者因此山雲雨長白故名
○西南又有大湖山二山並有石室
敗漆船上有記皆謂堯時物元和志
○於陵城西長白山高二千九百丈
周六十里者陳仲子夫妻隱此山阿

有醴泉寺相傳志公卓錫之地宋范
文正公讀書寺中日惟一粥偶見嘗
銀覆之而不取後為西師僧人求為
修寺公使發之取窖中銀適周于用
此與還術者子白銀相類世或之未
聞也上下二書堂在巒堂巒會仙峯
下皆宋代所建遺跡尚存今即寺內
有范公祠舊說公母嫁齊居秋口公

讀書此山相去百里往來省親劬甚
後知青州悲思不自勝和秋口在今
顏神鎮土人亦名其處為范公書堂
按南岱東沂州秦之外沂之蒙山密
之九仙即墨之大小勞寧海之姑餘
般陽之長白皆三齊高大名山也餘
不得並列

濟南山

歷山 ○ 府南五里一名舜耕山古有舜
 祠會南豐齊二堂記云舜耕歷山漁
 雷澤陶河濱作什器于壽丘就時于
 負夏鄭康成釋歷山在河東雷澤在
 濟陰負夏在衛地皇甫謐釋壽丘在
 魯東門之北河濱在濟陰定陶西南
 陶立亭是也以余考之耕稼陶漁皆
 舜之初宜同時則其地不宜相遠

立當作邱

孟子又謂舜東夷之八二家所釋雷
 澤河濱壽丘負夏皆在魯衛之間東
 方之地歷山不宜獨在河東在齊者
 是也世因河東雷首山一號歷山瀉
 水所出舜娶堯女所居遷就附益謂
 歷山為雷首之別號不考其實由是
 言如則圖記皆謂齊之南山為歷山
 舜所耕處故其城名歷城為信然也

李福

或者不此之論乃備載陸魯望象耕
 鳥耘之辯可見其贊龜蒙曰世謂舜
 耕鳥為之耕似象也
 行端而履深似象也
 城如通典云山有太甲冢末詳歷山
 鳥啄通典云山有太甲冢末詳歷山
 南屬泰山東連琅邪崇岡疊嶂脊脈
 不斷欽嘗有詩云濟南山水天下無
 晴雲曉日開畫圖羣山尾岱東走
 海鵲華落星青照湖此濟南山勢也

廟山○府城東南十里三齊記云因舜
 廟得名遺山濟南行記作如山非是
 函山○府南二十里按酉陽雜俎云齊
 郡函山有鳥名王母使者漢武帝登
 此山得玉函帝下山玉函化為白鳥
 飛去世傳山上有王母藥函鳥常守
 之因號函山有九十谷又名卧佛山
 奎山○府城西南十五里三齊記奎山公

五十二
 李福

神似猪頭戴珠冠殷時有道士隱此
野火四發道士祈天即雨今人遇旱
燒山禱雨多應又北有匡山世傳太
白讀書于此又北曰栗山日藥山山
出陽起石極佳故名
華不注山○府東北十五里左傳成公
二年魯季孫行父帥師會欲克及齊
頃公戰于鞞齊師敗績逐之三周華

不注又云從齊師至于靡笄之下逢
丑父與公易位使公下如華泉取飲
則此山亦名靡笄靡與地記云又名
金輿道元謂單枕秀澤不連陵以自
高虎牙傑立孤峯特拔以刺天青崖
翠發望同點黛信然山前道院中有
右刻太白諸賢詩院前即華泉水與
小清合流

鵲山 ○府北二十里王繪太白詩註云

扁鵲煉丹于此俗又謂每歲七月八月

烏鵲翔集故名按扁鵲盧人近在

長清縣地煉丹此山者是古有鵲山

詩山

黃山 ○府西南六十里山周如城陰諸

谷之水奔流至山西匯為池圍數畝

不溢而伏山即渴馬崖也伏流至府

城之西而即釣突泉也

西龍洞山 ○府南六十里道云符秦

時有竺僧朗事佛圖澄碩學淵通與

隱士張巨和居此因號朗公谷今有

朗公寺亦三齊名刹歷代有碑谷有琨

瑠溪水過玉符山又名玉水至祝柯

入濟今溪水東西分流山中人云西

發釣突東發百脈驂之信然謂徑入

山

濟者謾也○龍洞西南有方山○長清界疑
即水經之玉符山○又西隔馬山○縣東南
左傳襄公十八年○晉伐齊○齊侯禦諸
平陰○塹防門而守之○廣里齊師懼夜
遁○夙沙衛連大車以塞隧而殿○殖綽
郭最曰○子殿國師齊之辱也○子姑先
乎乃代之殿○衛怨二子遂殺馬于隘
以塞道○欲使晉師得之○即此後人呼

爲隔馬山○山東北曰神林○有隔馬神
君祠○祠南有一潭○清澈見毫髮○歲旱
邑人祈聖水○禱雨輒應○唐宋碑刻存
焉○又南青崖山○金亂巖侯率義兵堡
此○皆古齊山○泰安
東龍洞山○府東南三十里山如重甌
音言甌也○甌甌重西洞透深一里許
秉火可入○東洞在萬仞絕壁之上○洞

口釜鬯尚存煙火之跡如墨蓋昔人
 避兵引類以山中必有泉不知其深
 幾許耳有翠屏巖獨秀峯三秀峯峯
 側龍祠郡邑禱雨輒應宋封靈虛公
 九域忠云禹登山謂禹治水嘗登
 龍盤山○章丘縣南二十八里齊記云
 周初有神龍潛此山遂名有神跡祠
 姜嫄所履伏琛云宋濟南大守蕭承

之立祠山上其妻亦學履而產齊帝
 按姜嫄炎帝後有駘氏之如高辛世
 妃后稷母也駘舜封稷作郃元和志
 郃在京兆武功縣路史駘在費縣南
 遠者去此數千里近亦五百餘里姜
 嫄未嫁不應至此既嫁則高辛都亳
 河南偃師地豈在齊和伏琛之論尤
 覺誕妄

樂盤山○章丘南二十七里○齊記云下有樂盤城○即平陵王與章丘侯餞送之地○

東陵山○章丘南二十八里○龍盤山相連○寰宇記云盜路死處○山南有盜路

冢○寰宇記云盜路死處○山南有盜路

危山○章丘東北五里○寰宇記云漢文帝十六年封齊悼惠王子為齊孝王

景帝三年孝王與吳楚通謀自殺葬于此○墓在山椒○

女郎山○章丘東南七里○又號小田山○齊記云章亥有三如溺死葬此○有三

陽洞俗云有子張墓○即章女冢○所謂章丘者取

雞山○章丘西南四十里○齊記云有神雞晨鳴于此○候之獲一石潔白如玉○

因以名焉。巨合水出此山下。俗名雙文泉。

湖山 ○ 章丘正南五十里。明秀嶽相傳。

古有仙翁仙婆修道此山。皆得壽考。今有公婆廟。遇旱禱雨即應。

亭山 ○ 章丘西南六十里。桀死處。湯放

桀于南巢。書傳皆謂今廬江巢縣。獨尸子云放之歷山。豈古有巢氏治琅

邪之石婁山。齊地亦有南巢邪。又桀

死後其子淳維妻其衆妾。遁于北野。

隨畜轉徙。號曰葦育。若桀死南方。其

子豈能北遁。自齊奔漢。則易矣。隋唐

有亭山縣。見古蹟。

啞婦山 ○ 鄒平縣西十三里。俗呼啞婦

山。謂夫子去齊道此山。婦人陽瘖。以

滅跡。蓋因孔子去魯之敬。曰彼婦之

可以出起而附會此各真野語耳

大山 ○ 無棣縣東北八十里

小山 ○ 無棣西北一百二十里二山圖

經弗載然濱棣瀕海廣年無高峻之

山故志

平原嶺 ○ 德州東南七十里有望遠臺

壽公菴嶺上鹿角關

齊乘卷之一終

